



八七八一

坐隱先生精訂梨雲寄傲目錄

套數

北中呂粉蝶兒

萬卷圖書

富文堂識賞

南黃鍾畫眉序

花月滿春城

元夜

南仙呂一封書犯

池冰泮乍煖

春詞

北正宮端正好

珊枕畔麝蘭香

春情

北雙調新水令

春情

碧桃花外一聲鐘

春怨

枕痕一線粉香殘

南南呂香遍滿

春怨

因他消瘦

北雙調夜行船

離恨

減盡容光知爲誰

南錦庭樂

被兒餘枕兒單春寒較添春怨

北南呂一枝花

正楊柳成陰覆短牆

夏日秋碧軒卽景寫懷

北黃鍾醉花陰

楊柳橫塘淡烟鎖

夏日卽景寫懷

南中呂好事近

兜的上心來

怨別

北黃鍾醉花陰

破鏡重圓帶重結

復讎

北雙調新水令

綠楊溪上木蘭橈

哭萬柳溪

白蘋風細一絲輕

漁隱

北商調集賢賓

鎖窗寒井梧秋到早

秋懷

憶吹簫玉人何處也

秋懷

北黃鍾醉花陰

窗外芭蕉戰秋雨

秋懷

南雙調十二紅

伴孤燈三更情況

閨怨

北南呂一枝花

清光亂乳鴉

詠月

天空碧水澄

賞重九

嬌滴滴千金玉體輕

懷妓

新栽數畝瓜

樂閑

離匣星斗寒

詠劍

事詞章舊有名

自述

常尋灞岸梅

樂閑

北越調鬪鶴鶉

伴了些珠履瓊簪

勸子芳收心

北中呂粉蝶兒

冷雨梧桐

效楊景言一點情牽體

三弄梅花

冬閨怨別

北越調鬪鶴鷄

靜沉沉繡戶重關

賞雪

小令

北鴈兒落帶過得勝令

贈隱士 二一首

春情 二一首

北脫布衫帶過小梁州

贈妓

南二犯江兒水

閨怨 四一首

北小梁州

漁隱 四一首

閨情 十二首

詠燕子

鞦韆

聞杜宇

南一江風

閨怨 四一首

北折桂令

青樓十詠

風情

怨別

艸堂寫興 二一首

幽居協韻

閨情 二一首

南普天樂

題情 四首

南嬌鶯兒

題情 四首

北梧葉兒

詠香閨十事

詠觀音奴

北醉太平

春夜小集

北一半兒

秋日過隱居

北清江引

秋夜 二首

南醉羅歌

題情 八首

北朝天子

漁家 六首

歸隱 六首

江上別意

南鎖南枝

風情 四首

北水仙子

詠妓泥人兒

有所思

嘲風月 二首

詠素香囊

南駐雲飛

春情集古 四首

夏景

北泥醉東風

詠崔鶯鶯 六首

贈僧 二首

閑情用轉應體 三首

離情用轉應體 二首

詠牡丹

詠花柳用轉應體

詠骷髏笛

詠蝨蚤

詠桃花比妓

花月志感

溪隱

春遊

自述 二首

秋夜

閨怨 二首

北塞兒令

贈別 二首

北滿庭芳

行舟五詠

贈友

北落梅風

風情

閨怨 三首

詠竹

詠芭蕉

草堂

寫興

清江采雲寄友人目

六 環翠堂

坐隱先生精訂梨雲寄傲

長樂郡
振興西
歸并志

新都環翠堂藏板

套數

富文堂燕賞

北中呂粉蝶兒

萬卷圖書錦亭臺鬧花深處值

清朝事簡公餘寵光深人物勝德星相聚坐客無虛
要平收午橋佳趣

南泣顏回

談笑有鴻儒盡是文章儔侶綸巾布斃

交叅紫綬華裾飛觥走筆看笙歌羅列尊壘具樂陶
陶景媚時良閑邀邀體廣情舒

北賽鴻秋 到春來策吟筇剛詠徹梅花句喜春和
試羅裳閑倚遍闌干玉趁春晴縱青鞋慢踏損蒼苔
綠恐春深下珠簾不放入垂楊絮無意送春歸有意
留春住分付杜鵑聲省可里催春去

南普天樂

繡圍遮銀屏護芳草徑天桃塢好相看
照眼芳菲怕甚麼妬花風雨幾番痛飲西園暮兩行
紗籠燒銀燭海棠風蕩漾紅綃薔薇露點滴明珞有
清油小蓋畫壁輕車

北脫布衫帶過小梁州

開雕楹燕子鶯雛點清池
睡鴨飛鳧紅萱草芳蕤半吐紫丁香細心微露○坐

對南薰倒玉壺細切菖蒲荷花十里錦雲鋪聽一片
笙歌度風月賽西湖○蟬聲兩兩鳴高樹夢初回碧
簾紗愜閑將綠綺彈靜把黃庭註蘭湯新浴長日一
塵無

南鴈過聲

規模潭潭相府堪寫入王維畫譜水泥
一縷搏香霧笑三閭傲陶朱正好懷寬放吟骨清臞
汲泉煮茗調冰雪藕納涼揮塵把人間一時煩惱盡
消除

北醉太平

恰金風送暑早玉露滴梧碧天涼冷鴈
來初與知音四五駕長風捉下天邊兔學長鯨吸盡

杯中物。弄長竿。掣得水中魚。任狂歌怪舞。

南傾杯樂 須臾十日霜。幾夜風催綻。東籬菊。砌湧

層巒。泉飛靈竇。橋橫幽洞。門俯清渠。賦成鸚鵡。杯傾

醞醪。又何須登高戲馬。憶東徐。

北貨郎兒犯 寒不到重簾深戶。錦片似攪。逾低簌

簾鈎。十二控珊瑚。下着錦帳。擁着紅爐。對着玳筵前

粉。一攢花。一簇。捧着羊羔。斟着馬乳。勸着瓊酥。有繁

絃急管。每分曹部。演呈祥獻壽。梨園這詞賦。吹的吹

彈的彈。教習得精熟。翡翠鑿滄龍團。鳳餅壓盡陶穀

氣昂昂。居着清要。名赫赫。執着金吾。安享昇平無限

福。

南小桃紅 侍 虞廷陳禪補。入洛社論今古。虎帳

談兵。嚴法令。施鎮撫。古來幾箇文兼武。眼前那有清

而富。那堪謙德通疎。

北伴讀書 簡書文半逼蘇。詩律法全學杜。走蚓驚

蛇。寫一筆唐懷素。好奇觀雅玩娛心。目有商彝周鼎

多陳布。所事俱足。

南普賢歌 遍江山古跡圖。總金石名賢錄。博考索

精求募。看金甌名姓覆。專閫計請兵符。統雄卒運奇

謀。破妖胡獻降俘。試看他拜將封侯談笑取。

熬尾 堂須造。盟可續。本是騷壇放浪徒。豈待公孫折簡呼。

元夜

南黃鐘畫眉序 花月滿春城。燈火輝煌。月華明。看人間。幻出閨苑蓬瀛。花燈燦表裏。冰壺明月映團圓。金鏡合帝京。正值元宵令。謳歌五穀豐登。

前腔 簫鼓動春聲。綵結鼇山。謾施逞。看雲鬟翠袖。

嬈娜娉婷。人叢裏。素手相攜。燈影下。香肩相並。合前

神仗兒 良辰美景。良辰美景。燈月二。因花萬井。

彩樓珠樓相稱。有鬧竿百尺。倒掛絨繩。高點起葦枝。

燈似落下滿天星。

前腔 燈兒有名。燈兒有名。下下高高。齊齊整整。一

盞牡丹。羣花簇定。更芙蓉。茜茜。碧桃紅杏。金蓮沼水

澄澄。琉璃塔。焰騰騰。

滴溜子 梅花燈。梅花燈。暗香疎影。雪花燈。雪花燈。

玉潔冰清。繡毬同心方勝。流蘇絡索垂。撒花蓋頂。傑

閣重樓。千層萬層。

前腔 魚龍燈。魚龍燈。影動畫屏。觀音燈。觀音燈。柳

枝淨瓶。巧粧諸佛諸聖。光明火焰中。神通大逞。三教

百工。行行等等。

鮑老催 日華月精。金雞玉兔裁剪成。雲霄望處鐘
鼓鳴。燈花爛。燈影斜。燈光映。圓燈宛轉。方燈正。畫燈
五彩紗。燈淨。火傘兒。紅油柄。

前腔 虎燈象燈。鴛燈鷺燈。都像生。蝦燈蟹燈。都像
形。羅綺叢。錦繡圍。笙歌競。佳人繡轂穿芳徑。王孫寶
馬敲金鐙。堪寫入丹青幘。

雙聲子 人歡慶。人歡慶。預把佳期定。酒謾行。酒謾
行。擺列華筵盛。奏錦箏。奏錦箏。和鳳笙。和鳳笙。任醺
醺。那管夜闌人靜。

前腔 宜春令。宜春令。巧剪金花勝。烟靄輕。烟靄輕。
香裊黃金鼎。碧漢傾。碧漢傾。斗柄橫。斗柄橫。任醺醺。
那管夜闌人靜。

尾聲 盤桓且盡。今宵興。托賴着吾 皇聖明。歲歲
年年賀太平。

春詞

南仙呂一封書犯 池水泮乍煖。小梅枝春尚淺。東
風正峭軟。受餘寒。簾半捲。菜簇青絲。纖手送。剪就金
花媚。綺筵花燈正懸。酒杯漫傳。燈列星橋。酒似泉。杯
深勸。歌漫演。星球高轉。舞腰旋。魚初躍。鶯乍囀。半晴
半雨。養花天。

皂羅袍犯 閑望誰家庭院。向亂紅深處。送出鞦韆。彩繩高掛綠楊烟。金蓮顛倒空中現。王孫墻外。暫停錦鞦。佳人墻裏。雙凭玉肩。無情半晌空留戀。逢歡處。衣笑典。一春常費買花錢。駢珠翠。雜管絃。玉樓人醉杏花天。

大河鱗犯 寶馬青衫。裊玉鞭。花枝重。帽簷偏。十里湖光平似掌。草茵青展。留與遊人醉時眠。斜陽下。歸路遠。銅鞮齊唱馬頭前。尋春事。到水邊。樓船人坐鏡中天。

樂安神犯 蝶愁蜂怨。東皇容易。老盡芳妍。落花臺榭。有啼鶯。輕風巷陌飛雛燕。一刻休虛度。秉燭向西園。醉後重開宴。詩頻詠。髭笑撚。清狂俱是飲中仙。春歸去。最可憐。楊花偷莢自漫天。

尾聲 試霜毫。臨端硯。好吟詩句。記流年。覓取鶯溪十丈箋。

春情

北正宮端正好 珊枕畔麝蘭香。羅帕上鴛鴦字。引的人無明夜坐想眠思。不付能遂了今生志。又惹起閑愁至。

滾繡毬 想着那抱銀箏寫怨詞。並香肩詠柳枝。我爲

他朋友中受了那許多譏刺。他為我母親行惹的來常是參差。他為我針指上繖了半年。我為他筆硯上踈了許時。他敬我勝敬似飽文章。玉堂學士。我愛他更愛如擅風流。金屋嬌姿。撇不的他腰欺楊柳風前態。忘不的他口吐丁香枕上私。眼底何之。

倘秀才

一箇是善歌舞梨園教師。一箇是知律呂蘇

州刺史

端的是才子佳人信有之。一箇懷春消粉暈。

一箇想像廢神思。不分箇彼此。

滾繡球

好恩情半霎兒。惡愁腸十二時。幾番家東

帖兒上錯僉了名字。有時節卦爻兒中倒點了干支。

減何郎鏡裏容。添潘岳鬢上絲。怕姨夫爭怕似出柙

虎兇。恨虔婆更恨如當道蛇兒。往常時種成合璧藍

田玉。今日也砍倒栖鸞翠竹枝。展轉嗟咨。

倘秀才

我為他寄相思。寄到有百來篇小詞。他為我

寫離恨。寫到有千來張大紙。到如今都做了無打斷

春蚕口內絲。約期在明月館。設誓在海神祠。虛勞了

口齒。

叨叨令

性踈狂播滿烟花市。病風流害損青雲志。

思模糊懶寫蘭亭字。瘦伶仃羞看羅衫袵。兀的不想

殺人也麼哥。路迢迢無箇人傳示。

脫布衫常想着喜春晴步蒼苔輕逐遊絲動春心倚
雕闌咲撚花枝怯春寒下珠簾羞看燕子訴春愁寄
花箋暗央蝶使

小梁州

咱兩箇一煞相逢萬種思留意孜孜鞦韆庭

院晚涼時傳心事撇下繡鞋兒

么篇

這姻緣不讓蒲東寺想鶯鶯未必如斯也曾向

月底潛也曾向花邊俟雨雲情思都做了斷腸詞

尾聲

今日也愁着風怕着雨青衫血淚應常漬幾時

得並着肩攜着手玉鏡鉛華恰再施撥雨撩雲又如
是咏月嘲風舊相似看香裊金爐篆一絲喜梅印紗

牕影半枝何粉韓香得重賜破鏡分釵得重視吐
玉噴珠那才思展說地談天那胸次將翠幙雲屏更
設施把錦帳鴛衾重鋪肆說海誓山盟舊日思遂倚
翠偎紅少年事解合歡帶兒鬆同心結子還記得喘
吁吁立不定燈前那一箇人

春情

北雙調新水令

碧桃花外一聲鐘繡衾寒喚回春

夢香消金獸冷花落翠屏空雨雨風風攔斷的病兒
重

駐馬聽

帶結頻鬆瘦骨不禁愁冗冗眉峰難縱黛

蛾深鎖恨重重。瑤臺人遠信勞鴻。彩雲聲斷簫閑鳳。
惡相思千萬種。百般難把愁來送。

鴈兒落冷落了春風銅雀宮。間阻了夜雨陽臺夢。闌

珊了停雲燕子樓。寂寞了流水桃源洞。

得勝令單守着四扇矮屏風。三尺舊絲桐。總費囊中

藥。全消鏡裏容。簾櫳步月無人共。花叢尋春誰與同。

川撥棹我這里恨匆匆。晝偏長更又永。許多時歌歌

梧桐。帳冷芙蓉。酒盡瑤觥。不見了紅圍翠擁。望藍橋

無路通。

七弟兄對着這落紅舞風。畫欄東。怯餘寒簾欵金鈎

控。寄閑情琴在錦囊封。搵啼痕袖濕瓊珠迸。

梅花酒減崔徽畫裏容。怕曉角昏鐘。恨芳艸青驄。

怪浪蝶狂蜂。秋來呵江上別。花落也未相逢。又不知

吉與凶。我則索含着淚告蒼穹。陪着咲問青銅。側着

耳聽歸鴻。絨着口怨東風。

收江南呀。懨懨不比舊時同。綠窓針線廢春工。殘雲

剝雨自西東。全無有定踪。巫山十二總成空。

春怨

北雙調新水令枕痕一線粉香殘。寶釵橫綠雲低

驪。粧慵鸞鏡掩。人遠鳳衾單。悶倚闌干。無語幾長歎。

駐馬聽 蝶愁蜂儂。芳草天涯春事晚。鶯慵燕懶。杏花簾幙。雨聲寒。秦樓寂寞。玉簫閑。楚臺容易朝雲散。乍離別。經這番。恁般懊惱。誰曾慣。

喬牌兒 行時思。坐不安。所事兒怕干犯。多情反受風流難。舊愁積。新恨償。

鴈兒落 翠減了。修眉柳葉彎。香銷了。嬌臉桃花瓣。寬褪了。纖腰翡翠裙。鬆綽了。縷帶鮫綃襖。

得勝令 自從那花底唱陽關。柳下送征鞍。經了些夜月孤幃靜。望不見天涯一鴈還。看看業眼兒熬清旦。潸潸淚珠兒落夜闌。

甜水令 常記的白雪輕謳。金杯滿泛。紅牙低按。私語燭花殘。到如今好夢全無。佳期易阻。相思成患。平白的廢寢忘餐。

折桂令 望藍橋遠似三山。烟水茫茫。道路艱難。瓶墜簪折。風酸月苦。雨澁雲慳。長攬攬連理樹。柔條盡剗。磳可可比。目魚活水將乾。他性格奸頑。不寄平安。章臺柳恣意留連。蟾宮桂未許躋攀。

隨煞 怕的是無情歲月相催儂。容易去何年重返。賈充宅韓椽見應難。天台路劉郎到來晚。

春怨

南南呂香遍滿。因他消瘦。春來見花真個羞。羞問花時還問柳。柳條嬌且柔。絲絲不綰愁。幾回暗點頭。似嗔我眉兒皺。

懶畫眉。無情歲月去如流。有限姻緣不到頭。慊慊鬼病幾時休。繡戶輕寒透。十二珠簾不上鉤。

二犯梧桐樹。黃鶯似喚儔。紫燕如呼友。浪蝶狂蜂對對還尋偶。無端故把人儂恁。一片身心如何教我得自由。梨花細雨黃昏後。靜掩重門。只與燈兒厮守。浣溪沙。我容貌嬌。他年紀幼。那時節兩意相投。琴心宛轉頻挑鬪。詩謎包籠幾和酬。他去久。有些個風聲。

兒未真實。見人須問個因由。

劉涿帽。浪遊那里青驄驟。向吳姬賣酒壚頭。烏絲醉寫。偎紅袖。厮逗遛。一霎兒渾忘舊。

秋夜月。恩變做讐。頓忘了神前呪。耳畔盟言皆虛謬。將他作念他知否。他待要罷手。我何曾下口。

東甌令。難消悶。怎忘憂。抱得秦箏上翠樓。絃聲曲意皆非舊。淚濕了春衫袖。青山疊疊水悠悠。何處問歸舟。

金蓮子。表記留。香羅半幅詩一首。做一個香囊兒。緊收。怕見那繡鴛鴦。一雙雙交頸睡沙頭。

尾聲 等待他來時候。薰香重整舊衾裯。往事從前一筆勾。

離恨

北雙調夜行船 減盡容光知爲誰。可憐少個人知。清夜鴛衾。黃昏羅袖。湮透幾多珠淚。

新水令 當時信口說別離。臨行話兒牢記。他道一句句不那移。曾有半字兒真實。把些神前呪做了小兒戲。

落梅風 鬆金釧。減玉肌。剛去了兩朝三日。到如今恰纔心上悔。悔時節又難尋覓。

風入松 含情只是苦攢眉。羞對外人題。題來反惹傷人議。柔腸萬轉千迴。自古書生無信。書生口是心非。

撥不斷 錦鱗稀。塞鴻遲。花箋誰與情傳遞。彩毫還將恨纂集。回文自把愁紵砌。空望斷碧雲天際。

離亭宴帶歇拍煞 薄情盡改初交意。痴心好看傷州例。所事兒慵拈怕理。鳳分飛羞把紫釵看。鸞吊影怕將青鏡照。燕無情枉用紅絲繫。叅不透懵懂禪。猜不破風流謎。料不定浮踪浪跡。追隨着飛絮漫顛狂。迷戀着野花多艷色。喏題着苦李無滋味。數番將著

草占幾遍把靈龜筮。都道是先憂後喜。相思債索勾
消。則俺這淒涼事怕題起。

春怨

南錦庭樂。被兒餘枕兒單。春寒較添。夜雨響空簷。
曉來呵殘紅滿簾。更那看掩重門對鶯花鬼病懨懨
這病危如燈焰。這恨深如天塹。病和愁兩厮兼。病當
心坎。愁在眉尖。

前腔。錦鱗稀塞鴻遙。書沉信淹。江樹眼空瞻。怯梳
粧塵緘寶奩。常則是倚闌干數歸程屈損春纖霧帳
雲屏虛占。海誓山盟無驗。針和線懶去拈。靈犀一點。

無計拘鉗。

前腔。憶王孫乍交歡。厖投意快。永遠效鸚鵡。自離
家新生棄嫌。料應他在天涯被秦樓歌管相漸金粉
花容嬌艷。血色羅裙紅斲。美甘甘笑語甜。未知將我
唇上會沾。

前腔。影伶仃。峙蒼苔。鮫綃淚黏。無語對銀蟾。映孤
燈蕭蕭短簷。幾回價寄佳音怕人知躲躲潛潛是則
是前生少欠。苦則苦終常作念。把恩情作了水底鹽。
羊腸龜卦。今後休占。

餘音。春闈有日來雙漸。相逢一笑兩謙謙。玉簿姻

緣許再僉。

夏日秋碧軒卽景寫懷

北南呂一枝花 正楊柳成陰覆短牆。恰茶蘼噴雪迷深巷。纔荷葉弄青浮水面。又芭蕉分綠上晴窗。窄窄書房。自一種清閑况。小壺天詩酒鄉。舞青衣童子雙雙。歌白雪佳人兩兩。

梁州第七

清泠泠溪泉漱玉。細茸茸庭草生香。幾

般兒陳設多奇壯。刻獸面南金篆鼎。碾羊脂郢玉壺觴。展魚浪蘄藤榻簟。織龜紋蜀錦琴囊。樂天真頗類羲皇。友金蘭不比高陽。有時節撚吟髭俯雕闌聽枝

上鳴蟬。

有時節敞吟袍揮羽扇。納風前晚涼。有時節

倚吟屏鈎湘簾看雨後山光。鎮常見訪。都是些布衣詞客儒林相。那踈狂那豪放。醉倒青樽送日長。品藻興亡。

煞尾

論奢華評富貴。休題太尉銷金帳。數清標誇

雅淡絕勝裴公綠野堂。端的是半點紅塵不容傷。或是寫黃庭幾行。或是詠離騷半晌。一任他世事榮枯似番掌。

夏日卽景寫懷

北黃鐘醉花陰

楊柳橫塘淡烟鎖。嬌滴滴芙蓉萬

采微雨過晚涼多。蟬咽庭柯。午夢方驚覺。重洗盞泛金波。細細南薰透輕葛。

喜遷鶯 少年行樂。好光陰暗裏經過。量度想歡會。人生幾何。六代遺宮草樹多。眼見的都證果。江山依舊。人物消磨。

出隊子 與知音幾箇。得清閑非小可。者麼你重裊。列鼎更如何。積玉堆金待怎麼。則俺把利鎖名韉都頓脫。

刮地風 有時節放一箇小蘭舟隨處泊。買娉婷二八秦娥。碧荷筒旋折。傾香糯。痛飲狂歌。只喫的雕盤上

彩雲零落。羅帕上酒痕湮污。花一攢錦一簇。玉人滿座。小壺天風月窩。全不受禮法拘縛。紫檀槽一曲笙簫佐。吹撥喜宮商樂韻和。

四門子 玉山頽纖手雙扶過。困騰騰眼待合。將象管來拈。把好句來哦。燃吟髭半將衫袖擲。撒一會沁打一會賸。要認的周郎是我。

古水仙子 來來來自忖度。罷罷罷恐青鏡流年兩鬢皤。將將將愁布袋丟開。把把把悶葫蘆摔破。呀呀呀落些兒閑快活。休休休走紅塵萬丈風波。喜喜喜縱踈狂醉中天地濶。我我我不干求到底無災禍。他

他他進步是非多。

尾聲非是我。帶酒淹花性慵惰。怕的是日月飛梭。一任教不知機。世人嫉妬我。

怨別

南中呂好事近 兜的上心來。教人難想難猜。同心羅帶。平空的兩下分開。傷懷舊日香囊猶在。詩中意寫得明白。歸期一年半載。筭程途咫尺。音信全乖。

錦纏道 托香腮。懶梳粧。慵臨鏡臺。無語自裁劃。正芳年又不道的。色減容衰。怎知他前言盡改。咱須是暫時寧耐。歲月好難捱。孤辰寡宿。時該命又該不索。

長吁氣。負心人。天自有安排。

普天樂 畫欄前。湖山外。見月也深深拜。月圓時人

未團圓。望蒼穹。鑒察憐哀。郎心是反。把些溫香軟玉。做了糞土塵埋。

古輪臺 恨多才。萍踪浪跡寄天涯。繡幃錦帳春風

夜。許多恩愛。豈料如今。番成破鏡分釵。剝雨殘雲。等閑消盡。是誰別壘楚陽臺。有傾城嬌態。把從前誓海

盟山。水消瓦。解忘餐廢寢。竟勞夢斷。肌骨瘦如柴。慙慙害花月也。總沉埋。

尾聲 黃昏更是無聊賴。愁倚定薰籠半側。羞見燈

花一穗開。

復歡

北黃鐘醉花陰 破鏡重圓帶重結。拈碎了鸞釵再截。誰承望又和協。眼角眉睫。剛得閑愁卸。這一段感離別。及至相逢細分說。

喜遷鶯 孤眠昨夜。傷紗窗梅影橫斜。重疊庭月小。微雲半遮。幾件淒涼。厮轉者。百般的難睡也。鎖不住春心蕩漾。當不過夢境隨邪。

出隊子 是前生冤業。怎教人相棄捨。又被那醫不活害不死病也斜。把不定拿不住恨轉旋。擡不起放

不倒身瘦怯。

前腔 對踈星殘月。自含情誰共說。空將那辯吉凶。著草數番撲。無靈驗。羊腸幾遍擦。托幽思花牋不次寫。

刮地風 將一箇難打捱時光。剛過徹。費盡了多少週。

折實不丕兩地擔驚業。幾會得半晌寧貼。我爲他看

不的花開。花謝他爲我見。不的燈昏。燈滅。茶不茶飯。

不飯無明。無夜病和疾。添上些。怎當他六國喉舌。越

間阻。割地越疼。熱志誠心堅似鐵。

四門子 半年來冷落讀書舍。望天涯道路賒。音信

又稀。風景又別。枕邊言自般難忘者。一會似痴。一會似呆。漬滿了青衫淚血。

古水仙子呀呀呀好姻緣不斷絕。喜喜喜重領了合

同風月牒。准准准尾生橋再駕橫梁。敢敢敢韓王殿

還與臺榭來來來香仍偷玉更竊。罷罷罷收拾起往

日咨嗟。將將將滿懷愁恁時都告撒。把把把鎖春寒

錦被熏蘭麝。是是是連理樹未曾折。

尾聲。纔見分携又懽悅。訴不盡往事重疊。一件件

一樁樁在畫屏上寫。

哭萬柳溪

北雙調新水令。綠楊溪上木蘭橈。再不見短簑垂

釣。淡烟橫斷渚。落日送殘潮。門巷寥寥。有幾點晚鴉

噪。

駐馬聽。破屋蕭條。蕙帳香消春夢杳。旅魂零落。青

鸞書斷海天遙。苔痕綠遍雨中橋。蠹魚蝕盡床頭藁。

喪斯文何太早。故知修短由天道。

鴈兒落他也會把辭金鮑叔交。將養客田文咲。逼豪

吟杜甫狂。類種菊陶潛傲。

得勝令呀腰不折時髦。眼不顧兒曹。他也會解劍酬

佳士無錢賣錦袍。清高守陋巷。簞瓢樂。風騷放乾坤

詩酒豪。

水仙子他丹陽市上怕吹簫。七里灘頭不釣鰲。磻溪岸側曾辭詔。貧則貧長落魄。更有那三般兒命裡何薄。身未老囊金消盡。家已破山妻喪了。子無成惡限逢着。

沉醉東風

吐珠玉詞葩俊巧。抱松筠志節堅牢。閒騎驢背吟醉買吳娃。笑盡番成烟雨蕭蕭。回首江東故國遙。誰肯把椒漿酌倒。

離亭宴煞

從今後扁舟一葉間。紅蓼孤墳三尺埋秋草。重泉怎招罷鷗鷺。水邊盟負鶯花郊外景。失雞黍。

樽前約。英魂喚不醒。長夜何時覺。淒涼此宵。饑鼠攔空梁。野烏啼老樹。缺月穿虛幕。孤燈慘復明。兒女悲還叫。您若是雄心未消。把一段不平懷。向俺夢兒託。

漁隱

北雙調新水令 白蘋風細一絲輕。傍疎林把釣船掩映。脫離麟鳳網。相與鷺鷥盟。自咲生平。趁滄海隱名姓。

駐馬聽

月小潮平。紅蓼灘頭秋水冷。天空雲靜。夕陽江上亂峰青。一蓑全却子陵名。五湖救了鴟夷命。塵勞事不聽。龍蛇一任相吞併。

鴈兒落咲他每干時的欠老成。叩諫的忒直正。堆金的少見識。拜將的多僥倖。

得勝令呀。爭如我夢不到虞廷。情頗類間僧。我這里羞管風前弄。勝似恁朝鐘馬上聽。閒評成敗事。明如鏡。頻驚功名心冷似冰。

沉醉東風聽夜雨孤篷酒醒。散晨炊小爨烟青。久居在雲水鄉。堪寫入瀟湘擘。傲三台八座簪纓。款乃歌殘四五聲。那里也重裊列鼎。

折桂令數十年泛梗漂萍。簑笠生涯。湖海閒情。向鶯外收綸。船頭晒網。柳底聽鶯。有時節泛流水桃花

武陵有時節泊淡烟芳草石城。濯足濯纓。醒後三閭醉裡劉伶。

離亭宴煞放懷薰染巢由性。甘貧不害膏粱病。堪嗟廢興。天喪了石崇財。時催了韓信壽。土蓋了曹瞞伎。榮華自不長。烏兔何曾定。忘形那清身不受紫泥宣。手怕拏白象簡。脚厭履紅塵徑。酒教稚子釀。歌喜山妻聽。常吃到星河半傾。臥楊柳月輪孤。擁蘆花被兒冷。

秋懷

北商調集賢賓鎖窗寒井梧秋到早。霜月小粉墻

高說離思。堦前蟋蟀。鬧西風。枕上芭蕉。鎖不住。戰兢
兢。一點靈犀。盼不到。黑沉沉。百尺藍橋。這些時。玉精
神爲花消瘦了。害的來難畫難描。我把他聲音兒愁
記起。模樣兒怕提着。

逍遙樂。于飛方效。間阻尤多。歡娛較少。昨日今朝。
笑青銅兩鬢蕭騷。萬種淒涼。厮喚着。折挫殺多愁沈
約。怨了些鴛鴦帳冷。鸚鵡杯空。翡翠衾薄。

金菊香。往常時。花香春店馬聲嬌。今日箇。雲暝秋江。
鴈影遙。夢難成。幾番直到曉。四壁寥寥。燈焰短。篆烟
消。

醋葫蘆。常記得。透疎簾。月半明。掩重門。人漸悄。正嬌
雲低。壓海棠稍。我和他。既相知。恨不曾相見。早他燭
花前。將錦箏來斜抱。刻的又背着人偷用眼兒瞧。

前腔。他也曾。病恹恹。只自擔。瘦亭亭。難自保。他也曾
怕人知。常帶幾分囂。他也曾。擲金錢。數番花下禱。他
也曾。直等到。星移月落。他也曾。倚闌干。劃損掠兒稍。

前腔。我和他。對着神。將海誓言。我和他。並着肩。將眉
黛掃。有時節。把陽春。一字字。細推敲。他和我。說私情
一說。一箇天大曉。不離了。相偎相抱。他見我。霎時間
無語。便把話兒嘲。

前腔他雖無甚麼傾國妍他雖無甚麼出類好似這

等知人的情性最難學但見呵或是忙或是遲或是

早那里有半星兒違拗多應是我心他意兩投着

前腔他道我和你心同魚水諧情隨天地老你休嘆

見垂楊又去折柔條他道是既綢繆祗宜相會少只

恐怕燕鶯知道他也曾抵牙兒幾度費量度

梧葉兒今日也鳳去秦樓迴鴻稀漢苑遙雲散楚山

高他指冷箏閑鴈我屏寒扇掩蕉剛間隔幾昏朝出

趨的把秋光過了

後庭花又不是綠窓前花謝早又不是瑤琴上絃斷

了又不是青鳥音書滯又不是銀河風浪惡止不過

暫相拋陡恁的求神服藥跳梭梭肉似挑急煎煎身

似燒生疎了月底簫闌珊了窓下稿茶飯又不是麼

調夢兒又不大箇好

青歌兒呀這病兒千方千方難療百般百般不效聽

了些花漏沉沉夜轉迢寒透珠箔燈燼蘭膏風鬧簷

鐸露滴松梢歎今宵別樣好難熬眼睜睜盼不到雞

兒叫

浪來裡煞他存心豈是薄我留情非道少駕車的

終久會題橋破菱花等閑重鞦却成就了錦堂歡樂

青丁果雲字故

環翠堂

三

把相思一擔擔兒拋。

秋懷

北商調集賢賓 憶吹簫玉人何處也。今夜病較添
些。白露冷秋蓮香謝。粉墻低皓月光斜。止不過暫時
間鏡破釵分。到勝似數十年信斷音絕。對西風倚樓
空自嗟。望不斷嶺樹重疊。怕的是流光奔去馬。鴈陣
擺長蛇。

逍遙樂

歡娛前夜喜報燈花香生帶結。剛得箇和
協。誰承望又早離別。常記得相靠相偎。咲語喋。畫堂
中那日驕奢。受用些尊中綠蟻扇底紅牙。枕上蝴蝶。

醋葫蘆

我和他初相逢臉帶羞。乍交歡心尚怯。半粧
醒半粧醉。半粧呆。兩情濃到今難棄捨。錦帳鴛衾纔
方溫熱。把一枝鳳凰簪拈做兩三截。

前腔

我為他挑着燈將好句裁。背着人將心事說。直
等到碧梧窗外影兒斜。惜花心怕將春漏泄。步蒼苔
脚尖來輕躡。露珠兒常污了踏青靴。

前腔

我為他朋情上將謊話兒丟。他為我母親行將
喬樣兒者。我為他在家中費盡了巧喉舌。他為我褪
湘裙杜鵑花上血。我為他耳輪兒常熱。他為我面皮

紅羞把扇兒遮。

梧葉兒一箇是相府內懷春女。一箇是君門前彈劍客。半路里恰逢者。剛幾箇千金夜。忽喇叭拋去也。我怎肯恁隨邪。又去把墻花亂折。

後庭花

夢了些虛飄飄枕上蝶。

聽了些吉丁當簷外

鐵剛纔得合上温郎鏡。却又早攔迴卓氏車。我這里痛傷嗟。鴛帳冷香消蘭麝。困將來剛睡些。望陽臺道路賒。那憂愁怎打疊。這相思索害也。看銀河直又斜。對孤燈明又滅。

青歌兒

呀風亂掃堦前堦前黃葉。雲半遮柳梢柳梢殘。月這離恨更比前春較陡些。害的來也斜。瘦的來

嗶嚙待桑田重變海枯竭。還不了風流業。

浪裡來煞

這愁呵剛不在眼角楚。又來到眉上惹。恨

不的倩三尸肺腑細鑿碣。有一日繡幃中玉肌重斲貼。我將他指尖來輕捏。直說到樓頭北斗柄兒斜。

秋懷

北黃鐘醉花陰

窗外芭蕉戰秋雨。又添上新愁幾

許珊枕剩繡衾餘。落鴈沉魚眼底。知何處酒醒後細躊躇。一寸柔腸千萬縷。

喜遷鶯

把離人愁助。鬧西風翠竹蒼梧。蕭疎粉牆

外霜砧輓轡。一片秋聲。斷斷續。不知人心上苦。捱不

過追魂鐵馬。更和那索命銅壺。

出隊子 記柳邊朱戶。乍相過春正初。看一簾花霧

暗香浮。愛滿地涼蟾素練鋪。聽四座笙歌紅袖舞。

前腔 想多情丰度。論褒彈事事無。他有那西施妖

艷不傾吳。小小風流不姓蘇。巫女精神未遇楚。

刮地風 看了他閉月羞花天付與。又何須傳粉塗朱。

整羅衫款把寒温敘。禮法誰如。偶能勾一番遭遇。便

拚下百年歡聚。歿生情山海誓。永無憂慮。似鸞凰緊

趁逐畢罷了。寄柬傳書。等閑間長就連枝樹。這言辭

豈是虛

四門子

自別來幾見垂楊綠。悄然的音信疎。瘦影

兒單。好夢兒孤。憶分攜恁時風景殊。樹影沉日色晡。

擺列下淒涼隊伍。

古水仙子

我我我自歎吁。罷罷罷姻緣簿仍將姓

字除。准准准斷雲將楚岫遮欄。敢敢敢桃花把天台

截住。來來來生分開比。自魚呀呀呀兩三朝鬼病柳

榆。是是是教吹簫月明無伴侶。他他他把六朝金粉

收拾去。單單單留下寫恨幾行書。

尾聲

會指歸期在春暮。却又早霜冷菰蒲。把燈花

影兒終夜卜。

閨怨

南雙調十二紅

山坡羊

伴孤燈三更情况，捱剩枕幾

番移放。想當初此時共他，樓香肩睡足芙蓉帳。

五更

轉到于今獨自宿，空惆悵。燈兒半滅半滅銀臺上，你

看殘月低沉，又早鐘鳴雞唱。

園林好

聽鴉啼林梢曉

霜看日影花篩紙窗。

江兒水

怕對鏡愁添悒快羞殺

胭脂粧不就桃花模樣。

玉交枝

眠思夢想對朝餐無

心去嘗好花曉怯枝頭放，帶不上昨夜春光。

五供養

纔離鴛帳，又早見雙飛燕來燕往，起來無半日淚滴

幾千行，怕繡那傷心兩兩鴛鴦。

好姐姐

午晌倚樓凝

望奈人隔着山高水長。

玉山頽

穿梭日影，又過粉墻

西向香閨人寂寞，意徬徨。繡鞋兒雙褪晒西窗。

鮑老

催此情怎當，疎林鳥投喧夕陽。人歸不似飛鳥忙。

川

擦掉

想起他虛謊，不思量歸故鄉。愁殺人傍晚淒涼。

愁殺人傍晚淒涼。

嘉慶子

罵負義辜恩薄倖郎，把燈

兒點上銀缸，把燈兒點上銀缸，捱過黃昏又怎當。

僥

僥聽嘹嘹孤鴈泣，點點漏聲長。夜靜更闌人悽愴。

總夢兒裡相逢竟渺茫。

尾聲

一年未了相思帳，一月月難消磨障。怎禁一

日有十二個時辰空斷腸。

詠月

北南呂一枝花

清光亂乳鴉。冷鳧驚栖鳳。素華吞

老兔寒影動。驪龍淡淡溶溶。

慣追陪芳草池塘夢常

占滿梨花院落中。助佳人。擣練愁添。伴孤客吹簫夜

永。

梁州第七

有時節疑出匣初磨寶鏡。有時節訝藏弧

未上彎弓。盈虛顯晦皆堪詠。芙蓉亭外。楊柳橋東。斜

侵畫舫。高挂長松。穿則穿寂寞房櫳。照則照冷淡屏

風。伴着這露兒零風兒細攔斷歿單枕長門。惹的那

狼亂啼蛩。亂吟淒涼殺白楊漢塚。添上些烟半籠雲

半掩蕭條盡衰草吳宮。你若是尊空路窮眼稍着便

要鄉心動。赤緊的招難招送難送。腸斷譙樓幾杵鐘

纔得他轉過梧桐。

尾聲

有一日穩騎鰲背誰能共。咲踏青雲有路通。大

斧臨風細摩弄。說嫦娥遁踪。逞吳剛氣勇。我只要奪

却秋風桂花種。

賞重九

北南呂一枝花

天空碧水澄。木落青山瘦。籬寒黃

菊晚瓮暖綠醅熟。歲月如流。纔過了中秋後。又重陽

九月九。染秋容紅蓼丹楓。添秋色殘荷敗柳。

梁州第七 散旅悶閑尋野寺。快離懷遠眺江樓。凭
高一覽江山秀。山形北拱。水勢東流。綿綿極浦。滾滾
滄洲。白鷺洲。二水悠悠。鳳凰臺。百鳥啾啾。覓得根羊
叔子軟瓊璫。博帶垂腰。借得條葛仙翁灣曲律。青藜
在手。尋得個孟叅軍。腌刺答破帽籠頭。放開笑口。對
西風滿把黃花嗅。聳吟肩。驪吟袖。自把陶詩細和酬。
景趣窮搜。

罵玉郎 風光斲把人迤逗。携樽俎約朋儔。江鄉禾
黍秋成候。剖金橙味尚酸。薦黃雞膘正肥。擘紫蟹黃
初溜。

感皇恩 到大來心上無憂。身外無求。管甚麼三略
法立興了周。一聲歌平散了楚。萬言策坐安了劉。趁
着天清氣爽。雨霽雲收。逢僧舍。過酒家。便遲留。

採茶歌 見鷗鷺泛中流。觀鴻雁起蘋洲。牧童橫笛
倒騎牛。看了這錦繡川原。紅樹晚。端的是一年好景
讓三秋。

尾聲 一箇向東華鐘鼓常聽漏。一箇爲南國尊鱸便
駕舟。兩般兒我叅透。幹功名枉生受。得清閑怎能毅。
遇清明好時候。與村翁共林叟。登高臺陟遠岫。酒腸
寬。詩骨瘦。到老雙眉不曾皺。款段馬犯紅塵不熟粗。

布袍見時人怕醜。只慣向傷水沿山路兒上走。

懷妓

北南呂一枝花 嬌滴滴千金玉體輕。窄弓弓半虎
羅鞋。長挽挽兩彎眉黛巧。顫巍巍一捏柳腰纖。禮
數謙謙。歌白雪櫻唇艷。撥檀槽春笋尖。俏儀容燕燕
堪同美。聲價鶯鶯不忝。

梁州第七 那里有一毫兒破綻。端的無半米兒憎

嫌。溫柔瑩潔絕瑕玷。宜嗔宜喜。知耻知廉。諸餘可愛。
所事相兼。惹的些蜜蜂兒攘動雕簷。引的些蝴蝶兒
飛近粧奩。恨則恨歸去後珮聲兒空館遙聞。喜則喜

相見時脚步兒殘紅半掩。愁則愁別離間唾津兒香

帕猶粘。意忼語甜。知音不是恩情欠。您蘇卿俺雙漸。

瞞不過慣打聽風聲阿母嚴。步步拘鉗。

煞尾 丟不開放不下難成合。繾綣終常念。染之重

感之深。無倒斷相思。卽漸添。有一日軟玉温香許咱

瞻。放下花撲撲繡簾。靠着喜孜孜杏臉。恁時節方纔

把撥雨撩雲意收斂。

樂閑

北南呂一枝花 新裁數畝瓜。舊種千竿竹。不彈三

尺劍。靜閑滿床書。詩骨清臞。冷淡淡心何慮。閑邀邀

樂有餘。碧梧高彩鳳。深栖滄溟濶。鯨鯢怕舉。

梁州第七 取岩畔枯藤作杖。伐江臯曲木為廬。主人素得林泉趣。烹茶掃葉。引水通渠。鈎簾待月。俯檻

觀魚。耻干求自抱。憨愚厭追陪。懶混塵俗。傲慢似去

彭澤棄職陶潛。踈散似困夔府豪吟。杜甫清高似老

孤山不仕林逋。豈濁不魯。處酸寒。緊閉乾坤目。躲風

雷看烏兔。靜掩柴門春日曛。便休提黑漆似前途。

黃鐘煞 守茆堂忘勢利。甘貧何用。王侯顧。列青樽

拚趲趲。爛醉頻教婢妾扶。世上炎涼久憎惡。敬於賢

慢於富。罷朝叅儉家務。叱阿諛薦忠恕。視肥甘若鳩

蠱。懼功名似豺虎。詠梅軒釣菱浦。結樵朋友漁父。陋

繁華尚雅素。遠離輪避朱芾。老妻賢釀醪。老夫狂

唱金縷。課耕男教經女。推仁愛給奴僕。頌歌謠贊

明主。儘紅輪換朝暮。任浮雲變今古。對猿鶴做儔侶。

喜烟霞近窗戶。但將那老鳩巢懷抱。放寬舒。一任教

競蠅血兒曹漫欺侮。

尾聲 學不的睡不安。蒼荒拔劍雞。匆下舞。趕不上時

未遇抖擻彈冠任路上。趨乘一段鐵石心腸愈堅固

者麼你趙平原誘英雄計謀。齊孟嘗待賢良肚腹賺

不去狗盜雞鳴類兒裡數。

詠劍

北南呂一枝花 離匣星斗寒。到手風雲助。插腰奸
膽破。出袖鬼神伏。正直規模。香檀欄虎口。雙吞玉沙
魚鞘龍鱗密砌珠。挂三尺壁上飛泉響。半夜床頭驟
雨。

梁州第七

金錯落盤花扣掛。碧玲瓏鏤玉注東美

名兒今古人爭慕。彈魚空館。斷蟒長途。逢賢把贈。滅
寇卽除。比鎔錐端的全殊。縱干將未必能如。曾遭遇
諍朝讒烈士朱雲。能迴避歎天亡雄夫項羽。怕追陪
報私讐俠客專朱價孤。世無數。十年是俺家藏物。嚇

人覓射人目。

相伴着萬卷圖書酒一壺。歷遍江湖。

煞尾

咲提常向樽前舞。醉解多從醒後贖。則爲這

未遂封侯把他久擔誤。有一日修文用武。驅蠻靖虜。
好與清時定邊土。

自述

北南呂一枝花

事詞章舊有名。攬風月多揆俊說。

興亡長閉口。期富貴怕勞神。回首青春。又早三十近。
虹霓志未伸。因此上筆尖兒判柳評花。心性兒博香
弄粉。

梁州第七

耳邊廂喜聽的是輕歌金縷。眼根前愛

看的是妙舞紅裙。也是我生平註下踈狂分。手段兒
熟滑如張敞。舌頭兒利便似蘇秦。性格兒風流如杜
牧。肚皮兒豁達似田文。語言直敬的是斯文。骨頭高
傲的是王孫。芙蓉露濕烏紗夜。夜歸遲。梧桐月照羅
幔。麴麴睡穩。桂花風爽吟袍。日日遊頻。自思自忖。保
箕裘且待亨通運。省干求罷談論。細和滄浪靜掩門。
且迴避滾滾紅塵。

煞尾。有一日半空中飛下風雷信。平地裡分來雨露
恩。那其間執節操。戈把柳營鎮。秉精忠爲
君守清白愛民。酬得那些小勳勞。便歸隱。



